

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj: 01-02-21567/25
Sarajevo, 02.10.2025. godine

OPĆINA NOVI GRAD SARAJEVO OPĆINSKI NAČELNIK

PREDMET: Vijećnička pitanja i inicijative, dostavlja se

Na 10. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

- a) Vijećničke inicijative

- Komisija za ljudska prava -

Komisija za ljudska prava, u skladu sa svojim nadležnostima, a nakon sastanka sa Udruženjem "Dajte nam šansu", detektovala je probleme u radu ovog Udruženja.

Stoga predlažemo Općinskom vijeću da podrži inicijativu Komisije, usvoji je i hitno dostavi relevantnim institucijama.

Na osnovu uvida u trenutne aktivnosti i potrebe korisnika Udruženja, kojih je preko hiljadu, Komisija smatra da je neophodno poduzeti hitne mjere u cilju poboljšanja rada i uslova za djelovanje Udruženja. Na osnovu rasprave vođene na sjednici, Komisija za ljudska prava jednoglasno je usvojila sljedeće zaključke i inicijative:

1. Urgencija Načelniku Općine Novi Grad Sarajevo

Komisija upućuje Urgenciju Načelniku Općine, kojom se traži da u što kraćem roku primi predstavnike Udruženja "Dajte nam šansu" na razgovor, s ciljem razmatranja problema nedostatka ljudskog kadra i adekvatnog prostora za rad Udruženja.

2. Inicijativa Općinskom vijeću Novi Grad Sarajevo

Komisija upućuje Inicijativu Općinskom vijeću da se:

- Udruženje *Dajte nam šansu* proglasi Udruženjem od značaja za Općinu Novi Grad Sarajevo;
- Općina obaveže da pronade i dodijeli adekvatan prostor za rad ovog Udruženja na teritoriji Općine Novi Grad Sarajevo.

-vijećnik Adi Škaljić -

1.Upućujem inicijativu za hitnu sanaciju curenja vode u ulici Butilska, cca 300 metara iznad Džamije Butila.

O B R A Z L O Ž E N J E

Na prostoru Mjesne zajednice Dobroševići, tačnije u ulici Butilska, prema svjedočanju mještana već mjesec dana postoji veliko curenje vode. Također, prema njihovim svjedočenjima radi se o lokalnom vodovodu, koji nije pod ingerencijom JP Vodovod i kanalizacija.

2. Upućuje sljedeća vijećnička pitanja:

-Postoje li komunikacija i koordinacija Općine Novi Grad Sarajevo i JP Vodovod i kanalizacija u vezi obezbjeđivanja pitke vode za stanovnike udaljenih područja mjesne zajednice Dobroševići?

- Da li je plan izgradnje rezervoara Općine Novi Grad Sarajevo u koliziji sa planovima JP ViK-a za vodosnadbijevanje datog područje?
- Kada bi, prema postojećim planovima Općine Novi Grad Sarajevo, stanovnici mjesne zajednice Dobroševići, tačnije ulice Tjepovački put mogli dobiti pitku vodu?
- Koliki su godišnji troškovi snadbijevanja vodom pomoću cisterni za domaćinstva iz ulice Tjepovački put?

O B R A Z L O Ž E N J E: U našoj općini još uvijek postoje domaćinstva bez pitke tekuće vode. Njima se jednom ili dva puta sedmično cisternama dovozi voda. Očekivano, članovi ovih domaćinstava su rezignirani dugogodišnjim, a u nekim slučajevima i višedecenijskim standardom života nedostojnog 21. vijeka i glavnog grada Bosne i Hercegovine.

3. Upućujem inicijativu za puštanje u rad ostatka već postavljene javne rasvjete u ulici Tjepovački put.
O B R A Z L O Ž E N J E

Općina Novi Grad Sarajevo je nedavno pustilo u rad jedan dio javne rasvjete u ulicama Tjepovački put i Doljanska. Svakako, hvale vrijedan projekat, koji je jednom dijelu mještana donio dugo očekivanu sigurnost. Međutim, do sada još uvijek nije puštena u rad rasvjeta u dužini od otprilike 400 metara. Molimo nadležne da se ovaj dio implementacije projekta realizira što prije, jer su dani sve kraći, a građani sve nestrpljiviji zbog dugogodišnjeg mraka u kojem žive.

4. Upućujem inicijativu za postavljanje video nadzora na raskrsnici ulica Doljanska i Tjepovački put.

O B R A Z L O Ž E N J E

Na gore navedenoj raskrsnici postoji odlagalište otpada (nekoliko kontejnera) koje je često zloupotrijebljeno bacanjem kabastog, životinjskog i drugih vrsta otpada. Nedostatak funkcionalne javne rasvjete koriste sumnjive osobe za provođenje nelegalnih aktivnosti. Sve ovo ulijeva strah i nepovjerenje mještanima, a odlaganje otpada neadekvatnog za ovu lokaciju im potencijalno ugrožava zdravlje. Zbog svega navedenog tražim da se, po uzoru na novi projekat Općine Hadžići (više na linku ispod), na navedenoj lokaciji postavi kamera i senzor pokreta.

-KLUB VIJEĆNIKA SDA -

1. Postavljanje saobraćajnog ogledala – Otona Župančića br. 28

Opis problema: Zbog izrazito loše preglednosti kod broja 28 postoji povećan rizik od saobraćajnih nesreća.

Prijedlog rješenja: Postavljanje saobraćajnog ogledala radi povećanja sigurnosti svih učesnika u saobraćaju.

2. Hitno uređenje dijela sportskog kompleksa SRC "Srce" u naselju Buća Potok

Prilikom obilaska sportskog kompleksa SRC "Srce" u naselju Buća Potok, utvrđeno je da se ovaj prostor, koji bi trebao služiti za rekreaciju i druženje građana, nalazi u izuzetno zapuštenom i devastiranom stanju. Posebno zabrinjava stanje šahovske zone u donjem dijelu kompleksa, gdje su:

- Šahovska ploča oštećena i zarasla u travu i korov,
- Klackalica postavljena uz šahovske ploče, što je nelogično i potencijalno opasno, s obzirom da je i sama u stanju zapuštenosti i fizičkog oštećenja,
- Klupa za odmor potpuno uništena,
- Prilaz šahovskoj zoni zarastao i neprohodan.

Predlažemo da Općina Novi Grad Sarajevo, putem nadležnih općinskih službi i/ili u saradnji s nadležnom službom JP "Lokom", hitno pokrene aktivnosti na uređenju navedenog prostora, i to kroz sljedeće mjere:

1. Uklanjanje klackalice i neadekvatno postavljene klackalice sa šahovske podloge;
2. Rekonstrukcija i sanacija šahovske ploče i cijele šahovske zone;
3. Kompletan uređenje prilaza ovom dijelu kompleksa (košenje, čišćenje, popravke);
4. Postavljanje nove klupe i dodatne urbane opreme za odmor i sjedenje.

Cilj ove inicijative je osigurati da sportsko-rekreativni centar SRC "Srce" postane prostor dostojan svih korisnika građana, posebno djece i starijih sugrađana, te da se otklone nelogičnosti i propusti u upravljanju javnim površinama koje su ranije dovele do ovakvog stanja. Molimo da se inicijativa razmotri u hitnom postupku, te da se uvrsti u plan aktivnosti nadležnih službi u najkraćem mogućem roku.

3. Inicijativa za postavljanje manjih kanti za smeće kod spomenika Smaila Šikala

Poštovani,

Predlažem da se u okviru redovnog održavanja javnih površina u našoj općini postave manje kante za smeće u neposrednoj blizini spomenika Smaila Šikala.

Spomenik predstavlja značajno kulturno i historijsko mjesto, a često ga posjećuju građani, učenici, turisti i gosti. Međutim, zbog nedostatka manjih kanti za odlaganje otpada, prostor oko spomenika je povremeno izložen bacanju sitnog otpada (papiri, flaše, ambalaža), što narušava izgled i dostojanstvo ovog važnog obilježja.

Postavljanje nekoliko manjih kanti za otpatke:

- doprinijet će očuvanju urednosti i čistoće prostora,
- olakšati posjetiocima pravilno odlaganje otpada,
- doprinijeti zaštiti okoliša i očuvanju spomenika kao važnog mjesta sjećanja.

Molim da se ova inicijativa razmotri i uvrsti u plan aktivnosti nadležnog komunalnog preduzeća.

4. U cilju unapređenja sigurnosti učesnika u saobraćaju, zaštite imovine građana te poboljšanja komunalne infrastrukture, Klub SDA Novi Grad pokreće inicijativu da nadležne općinske službe pristupe izvođenju radova na sanaciji i uređenju saobraćajne i komunalne infrastrukture na području ulica Sulje Jahića i Otona Župančića, i to:

- sanacija i asfaltiranje udarne rupe u ulici Sulje Jahića (između brojeva 47 i 52),
- postavljanje saobraćajnog ogledala u ulici Sulje Jahića (između brojeva 49 i 51) radi povećanja preglednosti i sigurnosti,
- sanacija i nivelacija neispravnog šahta u ulici Sulje Jahića (između brojeva 71 i 73),
- sanacija i presvlačenje oštećenog dijela asfalta u ulici Otona Župančića br. 55,
- postavljanje rešetke za odvod atmosferskih voda u ulici Otona Župančića br. 49 i povezivanje na postojeću kanalizacionu mrežu.

Obrazloženje: Na navedenim lokacijama postoje ozbiljni problemi koji ugrožavaju sigurnost učesnika u saobraćaju i otežavaju svakodnevno funkcionisanje građana. Oštećenja na kolovozu, neispravni šahтови, nedostatak adekvatne odvodnje i potreba za dodatnim saobraćajnim ogledalom zahtijevaju hitnu intervenciju nadležnih službi. Realizacijom ove inicijative značajno bi se povećala sigurnost i kvalitet.

5. INICIJATIVA za regulaciju problema parkiranja u ulicama Bajrama Zenunija, Trg međunarodnog prijateljstva i Trg solidarnosti

Ispred Kluba SDA Novi Grad Sarajevo podnosim inicijativu kojom zahtijevamo od nadležnih općinskih službi i javnih preduzeća hitno pokretanje aktivnosti u cilju regulacije problema parkiranja u sljedećim ulicama:

- Ulica Bajrama Zenunija
- Trg međunarodnog prijateljstva
- Trg solidarnosti

Naime, u ulici Bajrama Zenunija izgrađen je parking prostor sa 135 parking mjesta, na lokaciji gdje je prethodno postojalo dječije igralište. Problem predstavlja činjenica da većinu tog parkinga koriste

uposlenici firmi koje su smještene u neposrednoj blizini, dok stanovnici tog područja teško dolaze do slobodnog mjesta.

Prema informacijama sa prethodnih sastanaka održanih u okviru mjesne zajednice s građanima, bilo je dogovoreno da će cijena zakupa parking mjesta za stanare iznositi 30 KM mjesečno. Međutim, ovaj dogovor nije ispoštovan, te je cijena naknadno povećana na 55 KM, što mnogim stanovnicima nije prihvatljivo, niti su o tome bili na transparentan način obaviješteni.

U ulici Trg međunarodnog prijateljstva situacija je dodatno pogoršana zbog prekomjernog korištenja parking prostora od strane posjetilaca obližnjih banaka, restorana i kafića. Stanari su zbog nedostatka mjesta prisiljeni nepropisno parkirati, što rezultira novčanim kaznama od strane policijskih službenika, iako nisu krivci za nastalu situaciju.

Slična problematika prisutna je i u ulici Trg solidarnosti, gdje se stanari svakodnevno suočavaju sa istim problemima, nedostatkom mjesta za parkiranje, nepropisnim parkiranjem, i posljedičnim kaznama.

S obzirom na navedeno, Klub SDA Novi Grad Sarajevo traži:

Da Općina Novi Grad Sarajevo hitno pristupi izradi rješenja kojim će se regulisati prioritarno korištenje postojećih parking mjesta za stanare pomenutih naselja.

Da se revidira politika cijena mjesečne naknade za korištenje parkinga, te uskladi sa prethodno dogovorenim iznosima (30 KM), uvažavajući socio-ekonomski status građana.

Da Općina, u saradnji s nadležnim komunalnim službama, izvrši reorganizaciju parking prostora na Trgu međunarodnog prijateljstva i Trgu solidarnosti, uz razmatranje mogućnosti uvođenja režima "stanarskog" parkiranja, uz jasno obilježena mjesta.

Da se ova problematika tretira kao prioritarna, te da se o statusu rješavanja iste, Klub vijećnika SDA obavještava u najkraćem mogućem roku.

6. U ime Savjeta MZ „Švrakino selo I“ pokreće inicijativu za postavljanje video nadzora i javne rasvjete na dječijem igralištu u ulici Alibega Firdusa 59-61 na području MZ „Švrakino selo I“ imajući u vidu da se u večernjim i noćnim satima na navedenoj lokaciji okupljaju sumnjiva lica koja mogu nanijeti štetu postojećoj infrastrukturi te mobilijaru.

7. U ime Savjeta MZ „Švrakino selo I“ pokreće inicijativu da se u cilju unapređenja položaja mladih - sagledavanja mogućnosti za poboljšanje istog na području MZ „Švrakino Selo I“, postavi betonski sto za stoni tenis na dijelu zelene površine u neposrednoj blizini dječijeg igrališta u ulici Alibega Firdusa 59-61 " čime bi se obogatilo sadržaji za stariju djecu i mlade sa područja MZ i šire.

8. Problem saobraćaja u mirovanju u ulici Ive Andrića

Već duži period stanovnici ulice Ive Andrića suočavaju se s ozbiljnim problemima vezanim za saobraćaj u mirovanju. Svjedoci smo da su o ovome problemu izvještavali i različiti mediji, što potvrđuje njegovu aktuelnost i značaj. U posljednje vrijeme situacija je dodatno pogoršana nakon što je dozvoljeno otvaranje auto-praonice i postavljanje čunjeva ispred ulaza u garažu Lokoma, čime se znatno smanjio broj raspoloživih parking mjesta. Napominjem da je na navedenoj lokaciji ranije bio postavljen saobraćajni znak koji je označavao dozvoljeno parkiranje.

Dodatnu konfuziju stvara i činjenica da se u neposrednoj blizini nalazi saobraćajni znak „P“ na trotoaru u ulici Ive Andrića, dok istovremeno policija iz PS Novi Grad piše kazne stanarima koji svoja vozila ostavljaju na tom mjestu. Postavljam pitanje: na osnovu čega policija sankcioniše stanare ako na licu mjesta postoji znak za dozvoljeno parkiranje?

Posljednje dešavanje vezano je i za postavljanje novih saobraćajnih znakova bez ikakvih konsultacija sa strukom niti sa građanima koji tu žive. Takvi potezi izazivaju pravnu nesigurnost, zbunjenost i narušavaju povjerenje stanovnika u rad nadležnih institucija.

Molimo nadležne organe da:

Hitno preispitaju pravilnost postavljanja saobraćajnih znakova u ulici Ive Andrića.

Osiguraju da policija postupi u skladu s važećim saobraćajnim propisima i postojećom signalizacijom. Uspostave dijalog sa stanarima i stručnim službama prije bilo kakvog novog postavljanja ili uklanjanja znakova.

9. Izgradnja parkinga u ulici Alibega Firdusa ispod zgrade Alibega Firdusa 63-65 ili ispod zgrade Alibega Firdusa 55-57.

10. Inicijativa za izgradnju osnovne škole u naselju Nova Otoka

U protekloj deceniji na području Općine Novi Grad Sarajevo došlo je do naglog širenja urbanih naselja: Nova Otoka, Miljacka, Dijamant, Avenija i Meandar. Ova naselja zajedno čine hiljade novih stambenih jedinica i rapidno rastući broj stanovnika, naročito porodica sa djecom školskog uzrasta.

Međutim, u ovoj urbanoj cjelini ne postoji nijedna osnovna škola. Posljedice su preopterećenje kapaciteta u okolnim školama (OŠ Avdo Smailović, OŠ Aleksa Šantić i OŠ Safvet-beg Bašagić) te otežano i nesigurno kretanje djece do sada najbližih škola.

Regulacionim planom već je predviđena lokacija za izgradnju nove osnovne škole u naselju Nova Otoka. Imajući u vidu zakonske obaveze i potrebe građana, Klub vijećnika SDA Novi Grad Sarajevo pokreće ovu inicijativu sa ciljem da se ubrza procedura i izgradnja škole na ovom području.

Očekujemo da će nadležno Ministarstvo obrazovanja KS, po prijemu inicijative, pokrenuti proceduru donošenja odluke o izgradnji osnovne škole i planiranja sredstava u budžetu za realizaciju ovog važnog projekta. Kvalitetno obrazovanje i sigurnost djece zahtijevaju da se pristupi rješavanju ovog problema bez daljeg odlaganja.

11. INICIJATIVA za izgradnju spomen-obilježja ubijenoj djeci u Olimpijskoj ulici.

Izgradnja spomen-obilježja na zelenoj površini naspram mjesta pada granate između zgrada Olimpijska 50 i 43, gdje je 4. aprila 1993. godine u 17.00 sati poginulo dvoje djece:

Eldar (Husein) Neslan (1980–1993)

Alen (Enver) Redžepović (1978–1993)

Tom prilikom ranjeno je više maloljetnika:

Mauimer Basalić, Mladen Buntić, Amela Hadžimuhović, Jasenko Hodžić, Semir Hodžić, Meliha Karić, Eldin Neslan (Eldarov brat) i Lejla Rozić.

Prijedlog:

Da Općinsko vijeće Novi Grad Sarajevo zaduži nadležnu službu da:

izradi idejno rješenje spomen-obilježja u dogovoru s porodicama stradalih i MZ, planira potrebna sredstva u budžetu za njegovu izgradnju.

12. INICIJATIVA za izgradnju dvije hajr-česme na području Općine Novi Grad Sarajevo

Polazeći od potrebe da se unaprijedi javni prostor, kao i da se trajno sačuva sjećanje na nevino ubijenu djecu Općine Novi Grad Sarajevo tokom agresije na Bosnu i Hercegovinu, u ime Kluba SDA u Općinskom vijeću Novi Grad Sarajevo podnosim inicijativu za izgradnju dvije hajr-česme na sljedećim lokacijama:

1. Na Bulevaru branilaca Dobrinje,

2. U blizini parka Alija Izetbegović, kod Istiklal džamije.

Obrazloženje:

Izgradnja hajr-česmi na ovim lokacijama imala bi višestruke koristi:

Praktična korist za građane i posjetioce – dostupna pitka voda na frekventnim i posjećenim mjestima.

Estetsko i kulturno oplemenjivanje prostora – hajr-česme upotpunjuju izgled javnih površina, oplemenjuju ambijent i unose dodatnu vrijednost u urbano okruženje.

Očuvanje tradicije – podizanje hajr-česmi predstavlja nastavak višestoljetne bosanske tradicije humanosti i dobročinstva.

Trajno sjećanje na ubijenu djecu Općine Novi Grad – posveta česmama djeci ubijenoj tokom agresije predstavlja snažnu poruku očuvanja sjećanja i trajnu opomenu budućim generacijama.

Prijedlog:

Da nadležna služba Općine Novi Grad Sarajevo pokrene proceduru izgradnje dvije hajr-česme na pomenutim lokacijama, a da iste budu simbolično posvećene ubijenoj djeci Općine Novi Grad Sarajevo, uz postavljanje odgovarajućeg obilježja na njima.

Izgradnja ovih hajr-česmi spojila bi praktičnu potrebu građana, očuvanje tradicije i kulturu sjećanja, te bi imala veliki značaj za našu zajednicu.

-vijećnik Bojan Vučković -

1. Podnosim inicijativu za sanaciju ulice Prijedorska od semafora do broja 22

Obrazloženje: Potrebno je izvršiti rekonstrukciju ulice jer je ista dotrajala i sva se nalazi u zakrpama koje su s vremenom propale i stvaraju rupe i neravnine koje predstavljaju sigurnosni rizik za sve stanovnike ovog naselja. Sve se jasno može vidjeti na slikama u prilogu. Također potrebno je uz rekonstrukciju ulice obnoviti i asfaltirati postojeće trotoare.

2. Održavanje mosta preko rijeke Bosne na lokalitetu Reljevo kao i dijela ul. Reljevska od mosta do ulijevanja u ulicu Dobroševića

Obrazloženje: Od svog otvorenja 22.05.2015. most preko rijeke Bosne u naselju Reljevo čija je rekonstrukcija koštala 350.000 KM i u kojoj su učestvovali Opština Novi Grad kao i Direkcija za puteve KS, malo se šta čini na pravom održavanju istog. Često su odvodi za vodu začepljeni, na mostu se skuplja voda čak i u danima bez ikakvih padavina. Most je zarastao u travu, zna se koliko rastinje zajedno sa vodom uništava asfalt te kroz vlagu i sami konstrukciju. Stoga su potrebne hitni koraci čišćenja samog mosta kako ne bi za koju godinu imali potrebu za rekonstrukcijom i izdvajanjem dodatnih iznosa u budžetu, iznosi koji se mogu puno bolje iskoristiti za druge svrhe.

Također, zadnjih godina je na ovome lokalitetu došlo do otvaranja većeg broja poslovnih subjekata (carina, InTime, odlagalište auta, mnogi poslovni objekti su u izgradnji) te ulica Reljevska od samog mosta pa sve do ulice Dobroševića ne može više da na pravi način odgovori na povećanje saobraćaja (kako putničkog tako i teretnog) uslijed čega dolazi do zagušenja i stvaranja većih gužvi posebno u jutarnjim i poslijepodnevnim časovima. Na nekim se dijelovima ove dionice ne mogu više mimoći dva vozila, naročito kada tu prolazi Minibus ili veći kamioni. Ulica je preuska, a na dijelovima pored asfaltiranog dijela se stvaraju velike rupe koje potpuno onemogućavaju normalno odvijanje saobraćaja. Na cesti se nalaze velike količine pijeska i ostalog otpada. Na ovom dijelu treba razmotriti proširenje i asfaltiranje ceste a dok se to ne uradi hitno je potrebno zatrpavanje ovih nastalih rupa te čišćenje. O svemu navedenom svjedoče slike u prilogu.

-vijećnica Selma Alić -

1. Podnosim inicijativu da Načelnik i Općinsko vijeće Udruženje porodica djece i osoba s poteškoćama u razvoju „Dajte nam šansu“ proglasimo Udruženje od značaja i javnog interesa na nivou Općine Novi Grad.

Obrazloženje

Unatoč činjenici da Udruženje kroz svoj servisni centar uočava kontinuiran i sve veći priliv porodica kojima su potrebne usluge koje udruženje pruža, ograničeni su finansijskim sredstvima kroz Javne pozive. Godišnji iznosi koje ostvare nisu dovoljni ni za minimalno pokrivanje troškova funkcionisanja servisnog centra.

Sve usluge koje pružaju krajnjim korisnicima su potpuno besplatne, a same usluge zahtjevaju značajne izdatke – od ljudskih resursa, preko zakupa i održavanja prostora, nabavke didaktičkih i edukativnih materijala, higijenskih potreština, do održavanja vozila za prijevoz djece i osoba s poteškoćama u razvoju i ostalih operativnih troškova.

2. Podnosim inicijativu za pronalaženje adekvatnog prostora na korištenje 150 – 200 m². Udruženju porodica djece i osoba s poteškoćama u razvoju DAJTE NAM ŠANSU. Servisni centar “Dajte nam šansu“ otvoren je 2014. godine u općini Novi Grad uz podršku Američke razvojne agencije (USAID). Udruženje koje je registrovano na području Općine Novi Grad svake godine u svom servisnom centru ima sve više korisnika usluga porodica i osoba sa poteškoćama u razvoju koji žive na području naše općine. Prema zadnjim podacima kroz servisni centar sa područja Općine Novi Grad registrovano je 450 porodica što ukupno čini cca 1800 korisnika.

Obrazloženje

Općine jeste prije 10 godine osigurala prostor na najam, ali takav prostor više nije adekvatan za korištenje u pomenutu svrhu.

Naime, korisnici servisnog centra kao i uposlenici udruženja borave u lošim uslovima, Prostor je puno manje kvadrature od potrebne za boravak korisnika, jer kroz centar dnevno prođe 70 korisnika kroz grupe. Prirodne ventilacije skoro da i nema. Prostor je uskraćen za adekvatnu prirodnu svjetlost. Podrumske prostorije neiskoristive su, pune vlage, pod je propao, a za isti zakupnina se dodatno izdvaja. Kancelarijski prostor je premalen i neprilagođen potrebama zaposlenih.

Moram istaći da u centru borave osobe bez obzira na stepen invalidnosti podjeljeni u grupama naravno prema svojim potrebama što je veoma pohvalno da udruženje pruža podršku bez kriterija za korisnike. Ukoliko nedobijemo konkretnu podršku načelnika i službe za urbanizam za hitnim rješenjem ovog problema dovodi se u pitanje dalj irad i pružanje potreba korisnika što nebi bilo pozitivno za našu lokalnu zajednicu.

3. Podnosim vijećničku inicijativu prema Općinskom načelniku i službi za investicije Općine Novi Grad da da pronađu adekvatno rješenje za sigurno kretanje djece na putevima do Osnovne škole „Aleksa Šantić“.

Učenici se kreću ulicama koje nemaju trotoare što predstavlja veliki sigurnosni problem koji zahtijeva hitno rješenje.

Ulice koje vode prema školi naročito ulica Ramiza Salčina i Fra Antuna Kneževića izraziro su uske. Također ulica Branislava Nušića nema označen dio kolovoza za pješake do skretanja prema školi, a sve navedene ulice su prometne kako saobraćajem tako i kretanjem naših najmlađih.

4. Zašto služba za Urbanizam nedaje odgovore kada savjeti MZ prosljede zahtjev građana sa svom potrebnom dokumentacijom ili rješenje da li se nešto može realizovati ili ne kako bi građani bili inforisani, a radi se o uklanjanju sadnica koje ometaju svakodnevni život u određenim naseljima. Napominjem da neki čekaju rješenja i više od godinu dana

-vijećnica Hana Keč -

1. Ponavljam pokretanje inicijative da kod ležećeg policajca u ulici Geteova kod O.Š. Meša Selimović postavi fizička barijera čime bi se onemogućilo parkiranje vozila uz sami pješački prelaz tj. uz ležećeg policajca.

O B R A Z L O Ž E N J E

Na spomenutom pješakom zbog parkiranih automobila neposredno uz prijelaz smanjena je preglednost svih učesnika u saobraćaju. Nemoguće je da vozači uoče da je neko dijete krenulo preći ulicu, a ni djeca ne vide da li dolazi automobil.

Isti problem smo imali u B fazi kod prelaza u blizini O.Š. Fatima Gunić koji je riješen postavljanjem betonskih zardinjera neposredno uz prijelaz.

Odgovor nadležne službe je bio da će se razmotriti mogućnost realizacije traženog u okviru radova na izradi i obnovi saobraćajne signalizacije i opreme puta shodno raspoloživim budžetskim sredstvima planiranim za ovu namjenu kao i stepenu prioriteta pristiglih zahtjeva delegirane od strane mjesne zajednice. Betonske zardinjere se jesu pojavile u naselju Alipašino Polje C faza, ali ne da bi zaštitile i osigurale sigurnost djece na putu prema školi. Postavljene su ispred ulaza na adresi Geteova 4, gdje osiguravaju neometan pristup zgradi stanarima na pomenutoj adresi. Žasto onda nisu postavljene iste barijere ispred svih ulaza u naselju, i zasto nisu ponostavljene kod prilaza školi?

2. Upućujem inicijativu Službi za obrazovanje, kulturu i sport Općine Novi Grad Sarajevo ponavljam inicijativu da u svim osnovnim školama na teritoriji Općine Novi Grad Sarajevo u ženskom toaletu postavi ormarić sa osnovnim higijenskim proizvodima.

OBRASLOŽENJE:

Menstrualno siromaštvo označava izazove s kojima se suočavaju mnoge žene, djevojčice i njihove porodice u pokušaju da osiguraju pristup menstrualnim proizvodima, donjem rublju, lijekovima protiv bolova ili terapiji za liječenje menstrualnih poremećaja. Prema istraživanjima Svjetske Banke, čak 500 miliona žena širom svijeta nema adekvatan pristup osnovnim menstrualnim proizvodima i higijenskim sanitarnim prostorijama. Ovaj problem pogađa ženu i djevojčice, kako u zemljama u razvoju, tako i u ekonomski razvijenim državama.

S obzirom da je Vlada Kantona Sarajevo zajedno s partnerima obezbjedila besplatne higijenske uloške u svim srednjim školama tokom školske 2022/2023. godine, te da su za ovaj projekat izdvojena sredstva i za školsku 2023/2024. godinu, cilj ove inicijative je da se obezbijede besplatni higijenski ulošci i za učenice koje pohađaju osnovne škole na području Općine Novi Grad Sarajevo. Menstruacija je dio svakodnevnog života i neophodno je da se djevojčicama omogući siguran pristup odgovarajućem prostoru za održavanje higijene koji bi sadržavao proizvode za menstrualnu higijenu. Iz svih gore navedenih razloga, predlažem nadležnoj općinskoj službi da u svakoj osnovnoj školi, shodno broju učenica i njihovim potrebama, obezbijede ormariće u ženskim toaletima u kojima bi se nalazili menstrualni proizvodi.

3. Ponavljam već upućenu inicijativu za premještanje pozajmnog bibliotečkog odjeljenja Alipašin most u sklopu JU Biblioteka Sarajeva.

OBRASLOŽENJE

Biblioteka Sarajeva je javna kulturna ustanova čiji je osnivač Kanton Sarajevo. Uz manje statusne promjene uspješno je prošla svoj razvojni put do današnje, moderno organizirane biblioteke. Kao institucija od posebne društvene važnosti ima značajnu ulogu u unapređenju obrazovnog nivoa stanovništva i očuvanju kulturne baštine. Dio je obimnog bibliotečkog sistema Bosne i Hercegovine i doprinosi stalnom razvoju bibliotekarstva. U cilju zadovoljenja potreba čitalačke populacije na cijelom prostoru Kantona Sarajevo, kao i dostizanja bibliotečkih normativa i standarda, Biblioteka kontinuirano razvija mrežu pozajmnih odjeljenja. Do sada je oformljeno 17 pozajmnih odjeljenja. Na području Općine Novi Grad egzistira pet pozajmnih odjeljenja. U okviru mreže pozajmnih odjeljenja JU Biblioteka Sarajeva egzistira pozajmno odjeljenje Alipašin most u ulici Kasima Hadžića do br.6. Isto je smješteno u zgradi u kojoj se nalazi Područna ambulanta Alipašin most II Mjesna zajednica. Navedeno pozajmno odjeljenje se nalazi na nepristupačnom mjestu te nije dostupno većem broju stanovnika Općine Novi Grad. Korisnici bibliotečkih usluga (djeca predškolskog uzrasta, učenici osnovnih i srednjih škola, penzioneri i svi ostali korisnici) moraju proći kroz čekaonicu navedene ambulate što je potpuno neprihvatljivo za njihovo zdravlje. Smatramo da bi navedno pozajmno odjeljenje u potpunosti zadovoljilo potrebe čitalačke populacije sa područja Općine Novi Grad i djelovalo u okviru bibliotečkih normativa i standarda premještanjem u drugi adekvatniji prostor koji će zadovoljiti potrebe korisnika bibliotečkih usluga i biti prostor sa mogućnošću realizacije dječijih kreativno/edukativnih radionica, promocija knjiga, druženja sa autorima.

4. Ponavljam upućeno pitanje od 23.04.2025. godine: Informacija o broju zakupljenih parking mjesta na području MZ Alipašino Polje A1 i A2 od strane pravnih lica.

OBRASLOŽENJE

Kako stanovnici mjesnih zajednica Alipašino polje A1 i A2 imaju izražen problem sa saobraćajem u mirovanju traže informaciju o broju zakupljenih parking mjesta od strane pravnih lica na javnim parkinzima koji se nalaze na teritoriji ovim mjesnih zajednica.

5. Upućujem inicijativu Službi za investicije i komunalne poslove Općine Novi Grad Sarajevo da se napravi analiza slabo osvijetljenih raskrsnica i pješačkih prijelaza na teritoriji Općine Novi Grad Sarajevo, a na osnovu koje će se uraditi pilot-projekat pametnog osvijetljenja u rizičnim zonama.

O B R A Z L O Ž E N J E :

Vidljivost na saobraćajnicama predstavlja jedan od ključnih faktora sigurnosti svih učesnika u saobraćaju, ali se posebno odnosi na pješake kao najugroženiju kategoriju. Većina nesreća u večernjim satima se dešava zbog nedovoljne osvijetljenosti raskrsnica i pješačkih prijelaza, a koji dodatno ugrožavaju ranjive grupe, uključujući djecu, starije osobe i osobe s invaliditetom. S obzirom na sve navedene izazove, predlažem da Općina pokrene izradu analize svih slabo osvijetljenih i potencijalno rizičnih raskrsnica, pješačkih prijelaza i zona s povećanim kretanjem pješaka na svojoj teritoriji. Ova analiza bi služila kao podloga za uvođenje LED osvijetljenja i pametne rasvjete sa senzorima pokreta na prioritetnim lokacijama, a sprovela bi se kroz saradnju s mjesnim zajednicama, školama i lokalnim policijskim stanicama, te putem javnog poziva građanima i građankama da prijave lokacije za koje smatraju da su slabo osvijetljene. Ovom inicijativom je cilj sistemski identifikovati i klasifikovati rizične saobraćajnice, te izraditi prioritetnu listu lokacija za hitno unapređenje rasvjete kako bi se unaprijedila sigurnost saobraćaja. U dugoročnom aspektu, navedena inicijativa bi doprinijela prevenciji nesreća, racionalnijem trošenju budžetskih sredstava i planskom pristupu unapređenja sigurnosti u saobraćaju.

6. Upućujem inicijativu Službi za investicije i komunalne poslove Općine Novi Grad Sarajevo da se postave brzinomjeri s povratnom informacijom u blizini najmanje tri škole na teritoriji Općine Novi Grad Sarajevo.

O B R A Z L O Ž E N J E :

Brza vožnja u naseljenim mjestima predstavlja jedan od najčešćih rizičnih faktora za nastanak saobraćajne nesreće, naročito u zonama s pojačanim kretanjem pješaka. Iako se u mnogim naseljenim mjestima nalaze postavljeni znakovi ograničenja brzine, vozači često nesvjesno ili svjesno prekoračuju dozvoljenu brzinu, te na taj način direktno ugrožavaju sigurnost svih učesnika u saobraćaju. Stoga, predlažem da se postave brzinomjeri s vizuelnom povratnom informacijom jer isti predstavljaju efikasnu, nenasilnu i preventivnu mjeru u smanjenju brzine kretanja, a funkcionišu tako što registruju brzinu vozila koje se približava i prikazuju je na LED ekranu u realnom vremenu, uz dodatne vizuelne ili zvučne signale ako je brzina iznad dozvoljene. Ovakav sistem podsjeća vozače na dozvoljenu brzinu, te povećava njihovu pažnju i odgovornost. Uzimajući u obzir sve navedeno, predlažem gore navedenoj službi da u saradnji s MUP-om izvrši analizu lokacija s učestalim prekoračenjima brzine, te da kao pilot-projekat postavi po jedan brzinomjer u blizini najmanje tri škole na teritoriji Općine Novi Grad Sarajevo.

-vijećnik Vernes Ćosić -

INICIJATIVA ZA IZGRADNJU ASTRONOMSKOG OPSERVATORIJA NA MOJMILU

Obrazloženje prijedloga inicijative: Zamisao na prvi pogled može izgledati grandiozna, ali se za relativno malo novca (u odnosu na budžet Općine) može napraviti jedna velika stvar za cijelu Općinu, ali i grad. Inače, u Općini Novi Grad Sarajevo, prema popisu stanovništva iz 2013., ima 118.553 stanovnika. Dakle, Novi Grad čini otprilike 40% ukupnog stanovništva Grada Sarajeva. Budžet Općine Novi Grad Sarajevo za 2025. godinu je 67.650.000 KM. Dakle, ovo je najmnogoljudnija (i među najbogatijim) općina u BiH i apsolutno je u mogućnosti finansirati ovakav jedan generacijski projekat. Uz opservatoriju na Bistrik Kuli koja bi se trebala obnoviti (već 20 godina se radi na ovome, ali još uvijek ništa), i privatnu opservatoriju Vema u Visokom, opservatorija na Mojmilu bi predstavljala značajan iskorak u razvoju astronomije u BiH jer i 30 godina nakon rada jedino BiH još uvijek nema vlastitu opservatoriju od svih zemalja bivše Jugoslavije (npr. na Kosovu imaju i opservatoriju i planetarijum). Osim toga, njen uticaj na popularizaciju astronomije u lokalnoj zajednici bio bi takođe veoma značajan.

Edukativne dio ove opservatorije bio bi sljedeći:

- Javne posjete i vođene ture – građani mogu uživo posmatrati planete, Mjesec, Sunce i neke sjajnije magline ili zvjezdane skupove.
- Školske radionice i predavanja – opservatorija može služiti kao centar naučne edukacije za osnovne i srednje škole, ali i odraslu populaciju.
- Astronomski kursevi – osnovni i napredni kursevi za amatere i studente.
- Naučno-popularne manifestacije – “noći posmatranja”, međunarodni dan astronomije

-vijećnica Aida Ožegović-

1. Inicijativa za rješavanje problema parkiranja u ul. Šefika Dorića i Andreja Andrejevića

Poštovani,

Već duži vremenski period dešava se haotično stanje sa parkiranjem automobila stanara u ulici Šefika Dorića i Andreja Andrejevića. Stanje je nastalo „okupiranjem“ velikog parkinga (produžetak Ulice Šefika Dorića) koji je predviđen za stanare, a koji se nalazi paralelno uz sarajevski Aerodrom od strane nekoliko rent-a-car agencija i „divljih“ taxi prevoznika sa kombijima. Dnevno se bilježi između 20 i 30 ovih vozila na parking u koji posluju i koriste javni prostor bez da su parking mjesta na bilo koji način obilježena (niti saobraćajnim znakom, niti drugim natpisom) što implicira da rade nelegalno i uzurpiraju prostor.

S obzirom na to da se broj stanara i vozila u naselju kontinuirano povećava, postojeća infrastruktura više ne zadovoljava osnovne potrebe svakodnevnog života.

Pripadnici policijske stanice Dobrinja, na žalost, kažnjavaju stanare ulice Šefika Dorića, koja je jednosmjerna i u kojoj su motorna vozila stanara oduvijek bila parkirana bez problema. Kako se do danas nije riješio problem, stanovnici ulice Šefika Dorića skupili su potpise te napravili „Peticiju za rješavanje problema parkiranja u ulici Šefika Dorića“ na način da se:

- 1.Hitno razmotri i analizira stanje na terenu u ulici Šefika Dorića
- 2.Pokrenu inicijativa za proširenje i uređenje novih parking površina
- 3.Uvedu sistem regulisanog i pravednog parkiranja za stanare (npr. putem stanarskih naljepnica ili rezervisanih mjesta)
- 4.Spriječi nepropisno parkiranje i osigura redovno prisustvo komunalnih službi
- 5.Postave znak dopunske table 'Samo za stanare zgrade/ulice

2. INICIJATIVA ZA IZMJESTANJE POLIGONA ZA OBUKU VOZAČA I VRAĆANJE PROSTORA U PRVOBITNU NAMJENU

Poštovani,

Ovim putem podnosimo inicijativu za izmještanje poligona za obuku vozača koji se trenutno nalazi na prostoru nenatkrivene garaže unaselju Dobrinja 4.

Naime, predmetni prostor je prvobitno bio namijenjen za parkiranje vozila stanara i korisnika okolnih objekata, čime se doprinosilo smanjenju problema nedostatka parking mjesta u naselju. Međutim, prenamjenom ovog prostora u poligon za obuku vozača, onemogućeno je korištenje garaže u svrhu za koju je prvobitno bila namijenjena, što je dovelo do sljedećih problema:

- 1.Povećan nedostatak parking mjesta u okolini, što dodatno opterećuje već postojeći problem nedostatne infrastrukture;
- 2.Smanjena sigurnost pješaka i djece koji svakodnevno borave u blizini;
- 3.Neadekvatna upotreba javnog prostora, koji bi trebao služiti lokalnoj zajednici i njenim potrebama. Smatram da obuka vozača treba biti organizovana na adekvatnoj lokaciji koja je infrastrukturno i saobraćajno prilagođena toj vrsti aktivnosti, bez narušavanja kvalitete života građana i bez oduzimanja prijeko potrebnog javnog prostora.

Stoga predlažemo da nadležni organi pokrenu postupak za:

- Izmještanje poligona za obuku vozača na alternativnu lokaciju koja zadovoljava tehničke i sigurnosne standarde;
- Vraćanje prostora nenatkrivene garaže u prvobitnu funkciju, odnosno kao parking prostor za stanovnike i korisnike okolnih objekata.

Uvjereni smo da će nadležni uvažiti ovu inicijativu, te poduzeti potrebne korake u cilju poboljšanja uslova života i saobraćajne organizacije u našem naselju.

3. Dovršetak sanacije igrališta u ulici Kenana Demirovića i Avde Hodžića

U navedenim ulicama je još u prethodnoj godini započeta sanacija igrališta na kojem stoji bager još od prošle godine. Radovi nisu nastavljeni iako bager I dalje stoji na mjestu gdje se radovi trebaju izvoditi. Stanovnici navedenih ulica traže informaciju i odgovor.

4. INICIJATIVA ZA UKLANJANJE STUBOVA KOJI OMETAJU SAOBRAĆAJ

Poštovani,

U ime stanovnika Alipašinog polja obraćam se sa inicijativom za uklanjanje stubića koji su postavljeni na Alipašinom polju a ometaju normalno funkcionisanje saobraćaja u navedenom naselju. U slučaju kvara auta ili udesa dešava se da zbog postavljenih stubova dolazi do otežanog saobraćaja, zastoja i ogromnih kolona automobila.

5. Rješenje problematike azbesta u Aerodromskom naselju (krovovi i fasade)

S obzirom na zainteresovanost građana Aerodromskog Naselja za realizaciju zamjene azbestnih krovova, ponovo se obraćam inicijativom za rješenje problematike azbesta u Aerodromskom naselju (krovovi i fasade)

Napominjem da je još od 2023. godine kroz Prijedloge zahtjeva iz oblasti infrastrukture MZ „Dobrinjja A” za 2023. godinu definisan zahtjev kako slijedi:

Zamjena azbestnih krovova

Uključivanje Opštine NG u realiaciju ove inicijative. Inicijativa na Gradskom vijeću usvojena i prosljedena Ministarstvu komunalne privrede, infrastrukture, prostornog uređenja, građenja i zaštite okoliša br. 09-04-662-2/21. Gradani Aerodromskog Naselja prate ta dešavanja i čekaju odgovor. Ne treba ni govoriti šta početak realizacije ovog projekta znači za građane koji žive u stanovima na kojima su azbestni krovovi.

Inicijativa je napravljena u koracima:

- izrada registra objekata koji imaju krovni pokrivač i fasadne obloge od azbestnih ploča
- plan uklanjanja, zamjene azbestnih krovova i fasada
- formiranje Fonda za finansiranje i sufinansiranje uklanjanja azbestnih površina
- registar ovlaštenih i certificiranih firmi za prikupljanje građevinskog otpada koji sadržava azbest
- zbrinjavanje azbestnog otpada na za to predviđena specijalna odlagališta, kako bi ga što manje završavalo na zelenim površinama

S obzirom da po gore navedenom za područje opštine Novi Grad - Aerodromsko naselje nije ništa pokrenuto (za prethodni objavljeni konkurs Ministarstva), ovim putem tražim hitnu reakciju Opštine Novi Grad sa prijedlogom saradnje sa Ministarstvom komunalne privrede, instrasturkute, prostornog uređenja i zaštite okoliša u zajedničkom iznalaženju sredstava sa ciljem rješavanja problematike azbesta u Aerodromskom naselju.

Uklanjanje azbestnih krovova i fasada predstavlja hitnu mjeru zaštite javnog zdravlja. Azbest je dokazano kancerogen, a njegova prisutnost u stambenim objektima ugrožava zdravlje stanovnika, naročito djece, starijih osoba i hroničnih bolesnika. Ovim projektom ne rješavamo samo infrastrukturni problem, nego štitimo zdravlje sadašnjih i budućih generacija, smanjujemo zagađenje okoliša i podižemo svijest zajednice o opasnostima azbesta.

6. Na osnovu zahtjeva stanovnika ulice Kralja Stjepana Tomaševića postavljam pitanje u kojoj fazi su radovi vezani za vodovodnu mrežu u navedenoj ulici.

-vijećnica Selma Pršeš -

1. Podnosim inicijativu da općinsko vijeće Novi Grad Sarajevo na sljedećoj sjednici donese zaključak i traži informaciju od Vlade federacije u vezi preduzeća Zrak.

Da li je preduzeće Zrak još uvijek pod stečajem?

Šta je od imovine prodato i kome? Koliki je dug da bi preduzeće izašlo iz stečaja?

Preduzeće Zrak se nalazi na teritoriji općine Novi Grad Sarajevo i dugi niz godina je bilo jedano od najznačajnijih privrednih subjekata, koji je nekada upošljavao veliki broj radnika. Zbog značaja namjenske proizvodnje kojom se bavi i potencijala važno je da znamo u kojoj je fazi cijeli postupak vezan za ovog privrednog giganta.

2. Podnosim inicijativu da Služba za investicije i komunalne poslove Općine Novi Grad Sarajevo izađe na teren zajedno sa članovima Savjeta mjesne zajednice Buča Potok i Dolac i vijećnicima sa područja ove dvije mjesne zajednice kako bi se sagledalo postojeće stanje u ulici Adema Buće.

S obzirom na učestale apele građana, potrebno je izvršiti detaljan uvid u sigurnost, infrastrukturu i opće stanje navedene ulice, te na osnovu zatečenog stanja predložiti konkretne mjere i rješenja u interesu sigurnosti i kvaliteta života stanovnika Buča Potoka.

Očekujem da se ova inicijativa uvrsti u redovne aktivnosti službi i da se nakon obilaska terena sačini izvještaj sa prijedlogom daljih koraka.

3. Pokrećem inicijativu prema KJKP RAD doo Sarajevo, da uvedu svakodnevno pražnjenje kontajnera u MZ Brijesće.

Obrazloženje:

Nakon sto su u MZ Naselje Heroja Sokolje i MZ Zabrdje ukinute lokacije za odlaganje otpada (kontejneri), građani ove dvije MZ dovoze otpad na lokacije u naselje Brijesće. Kontejneri su svakodnevno pretrpani, stvaraju se divlje deponije, koje negativno utiču na život građana u ovoj mjesnoj zajednici. Jako je velik problem, građani su nezadovoljni i redovno kontaktiraju nadležne. Ukoliko se ovo ne riješi građani će tražiti uklanjanje svih kontejnera. Molim vas da, u skladu sa svojim nadležnostima, prilagodite dinamiku pražnjenja i odvoza smeća, kako bi se izbjeglo pretrpavanje kontajnera i gomilanje otpada na ovim navedenim lokacijama.

4. Podnosim inicijativu prema KJKP RAD doo Sarajevo, da uvedu svakodnevno praznjenje kontajnera u MZ Brijesce.

Obrazloženje:

Nakon sto su u MZ Naselje Heroja Sokolje i MZ Zabrdje ukinute lokacije za odlaganje otpada (kontejneri), građani ove dvije MZ dovoze otpad na lokacije u naselje Brijesće. Kontejneri su svakodnevno pretrpani, stvaraju se divlje deponije, koje negativno utiču na život građana u ovoj mjesnoj zajednici. Jako je velik problem, građani su nezadovoljni i redovno kontaktiraju nadležne. Ukoliko se ovo ne riješi građani će tražiti uklanjanje svih kontejnera. Molim vas da, u skladu sa svojim nadležnostima, prilagodite dinamiku pražnjenja i odvoza smeća, kako bi se izbjeglo pretrpavanje kontajnera i gomilanje otpada na ovim navedenim lokacijama.

-vijećnica Edita Šandal -

1. Vijećničko pitanje:

"Građani Mjesne zajednice Dobrinja C već duže vrijeme suočavaju se s hroničnim nedostatkom parking mjesta. Vraćanje poligona sa oko 140 parking mjesta na korištenje značajno bi olakšalo njihovu svakodnevnicu. Molim da mi se dostavi informacija da li je istekao ugovor između Ministarstva za odgoj i obrazovanje Kantona Sarajevo i preduzeća KJKP 'Rad' o korištenju navedenog poligona. Ukoliko ugovor još uvijek važi, kada je predviđen njegov istek?"

Vijećnička Inicijativa:

"Na području naše općine, ali i cijelog Kantona Sarajevo, parking prostori su pretvoreni u skladišta neregistrovanih i havarisanih vozila. Ova vozila mjesecima, pa čak i godinama, zauzimaju dragocjena

parking mjesta, dok građani koji uredno plaćaju registracije i koriste automobile za svakodnevne potrebe nemaju gdje parkirati.

Podsjećam da je u februaru 2022. godine u saradnji Ministarstva unutrašnjih poslova KS i KJKP 'Rad' provedena akcija uklanjanja ovih vozila sa javnih površina. Međutim, akcija je bila polovična i bez dugoročnog efekta, jer se situacija na terenu danas nije nimalo popravila – naprotiv, stanje je još gore. Samo na području jedne od četiri Mjesne zajednice na Dobrinji trenutno imamo evidentirano 40 neregistrovanih i havarisanih automobila na parking mjestima.

Smatram nedopustivim da nadležne institucije zatvaraju oči pred ovim problemom. Građani imaju pravo na uredne i funkcionalne parkinge, a ne da gledaju hrpe olupina koje služe kao deponije. Stoga podnosim inicijativu da se hitno ponovi i sistematski provede akcija uklanjanja neregistrovanih i havarisanih vozila na području Općine Novi Grad Sarajevo.

Molim vas da inicijativu prosljedite resornim ministarstvima, MUP KS i KJKP "Rad" Sarajevo.

2. Vijećničko pitanje prema Ministarstvu saobraćaja KS i Direkciji za puteve KS

Molim Vas da mi i što skorijem vremenskom periodu dostavite precizan spisak ulica na području Općine Novi Grad Sarajevo s jasno naznačenom nadležnošću – da li su pod ingerencijom Ministarstva saobraćaja KS (Direkcije za puteve), odnosno Kantona, ili su u nadležnosti općine.

-vijećnik Mirza Memišević-

1. Inicijativa za školsko takmičenje u reciklaži otpada

Predlažem da Općina Novi Grad, u saradnji sa školama, organizuje takmičenje u prikupljanju reciklažnog otpada. Učenici i škole koji skupe najveće količine otpada bili bi nagrađeni od strane općine. Na ovaj način djeca bi kroz praktičan rad sticala znanja o važnosti recikliranja i pravilnog razdvajanja otpada.

2. Pitanje o završetku radova na kružnom toku Boljakov Potok (IX transversala)

Radovi na izgradnji kružnog toka u Boljakovom Potoku su još u toku. S obzirom da je u blizini osnovna škola i da je lokacija izrazito prometna jer vodi prema autoputu, pitam kada je planiran završetak radova.

3. Pitanje o voznom parku KJKP "RAD" – odvoz otpada

Koliko vozila za odvoz otpada trenutno posjeduje i koristi preduzeće KJKP „RAD“ Sarajevo?

4. Pitanje o voznom parku KJKP "RAD" – zimsko održavanje

Koliko vozila za zimsko održavanje posjeduje i koristi preduzeće KJKP „RAD“ Sarajevo?

5. Inicijativa za formiranje reciklažnih dvorišta u Novom Gradu

Predlažem da Općina u saradnji s KJKP „RAD“ pokrene formiranje reciklažnih dvorišta na području općine. Time bi građanima bila pružena bolja usluga odlaganja otpada i smanjilo bi se nepropisno odlaganje.

6. Inicijativa za izmjenu člana 18. Uredbe o isporuci toplotne energije

Tražim od Vlade KS i resornog ministarstva izmjenu člana 18. Uredbe o isporuci toplotne energije. Sadašnja odredba propisuje početak grijanja tek nakon dva dana prosječne temperature od 12°C ili niže, ali ne prije 15. oktobra. Ova formulacija svake godine dovodi do kašnjenja početka grijanja i izlaže građane hladnoći.

Predlažem da sezona počinje kada prosječna jutarnja temperatura u prognozi za tri dana iznosi 10°C ili niže, bez ograničenja na 15. oktobar, a završava kada pređe 14°C. U vanrednim okolnostima, poput naglog zahlađenja, treba omogućiti privremeno grijanje mimo tih kriterija.

7. Pitanje o obnovi garaža u nadležnosti KJKP "RAD"

Za kada je planirana obnova garaža na području Novog Grada kojima upravlja KJKP „RAD“ Sarajevo?

8. Pitanje o otvorenoj etaži garaže u Ulici Sulejmana Filipovića br. 2

Zašto otvorena etaža velike garaže u ulici Sulejmana Filipovića br. 2 još uvijek nije u funkciji?

9. Inicijativa za izmještanje poligona za polaganje vozačkog ispita iz Ulice Ilhamina
Predlažem da se poligon za polaganje vozačkog ispita izmjesti sa garaže u ulici Ilhamina, jer ta lokacija nije primjerena ni funkcionalna za tu svrhu te uzurpira prostor za parkiranje.

10. Pitanje o posudama za otpad u Geteovoj ulici

Da li će i kada stanovnici Geteove ulice dobiti nove posude za odlaganje otpada, s obzirom da je podloga pripremljena i niše uklonjene, ali su stari kontejneri ostali na tim mjestima?

11. Inicijativa za siguran "školski put" do OŠ Aleksa Šantić

Tražim da Služba dostavi prijedlog rješenja za izgradnju trotoara i obilježenog puta od semaforiziranog prelaza kod Doma zdravlja Saraj Polje do OŠ Aleksa Šantić.

Djeca su primorana kretati se preko parkinga i između vozila, što je ozbiljan rizik. Problem se ponavlja svake školske godine.

12. Inicijativa za reviziju natpisa na spomen-obilježjima

Pokrećem inicijativu da se u saradnji s udruženjima porodica šehida i mjesnim zajednicama izvrši revizija natpisa na spomen-obilježjima.

Na pojedinim mjestima stoji da su sugrađani „poginuli“, dok su zapravo ubijeni granatiranjem ili oružjem agresora. Radi istinitog svjedočenja, natpisi trebaju jasno isticati da su ubijeni.

13. Inicijativa za sistem hlađenja u sportskom balonu "Safet Zajko"

Tražim informaciju postoji li tehnička mogućnost ugradnje sistema hlađenja u balon Centra "Safet Zajko".

Ako je moguće, predlažem izradu projekta i procjene troškova, jer balon koristi veliki broj djece i sportista kojima treba osigurati adekvatne uslove tokom ljeta.

14. Pitanje o sigurnosti u ulici Branislava Nušića

Tražim od Općinske inspekcije i Policijske uprave Novi Grad Sarajevo da dostave informaciju i plan mjera u vezi sa sljedećim problemima u ulici Branislava Nušića kod broja 66:

- nelegalna useljenja u napuštene kuće koje nisu u vlasništvu osoba koje ih koriste,
- prisustvo narkomanije, sumnjivih lica i remećenja javnog reda i mira (svađe, galame, tuče, konzumiranje opojnih sredstava),
- stvaranje nesigurnog i neprimjerenog okruženja koje narušava kvalitet života stanovnika okolnih zgrada i kuća.

Stanari navode da su više puta zvali policiju, koja napravi zapisnik i ode, bez vidljivog rješenja. Potrebno je da nadležne službe iz svoje oblasti predlože i sprovedu mjere koje će dovesti do uklanjanja uzroka problema i osigurati mirno i sigurno stanovanje.

15. Inicijativa za sigurno kretanje učenika OŠ "Aleksa Šantić"

Učenici Osnovne škole "Aleksa Šantić" svakodnevno se kreću ulicama koje nemaju trotoare, što predstavlja ozbiljan sigurnosni problem. Ulice koje vode prema školi – naročito kraci ulica Ramiza Salčina i Fra Antuna Kneževića (iz pravca Saraj polja) – izrazito su uske, a uprkos tome koriste se za dvosmjerni saobraćaj. Nedostatak prostora za pješake, posebno za djecu školskog uzrasta, predstavlja hroničan problem koji zahtijeva hitno rješavanje.

Trenutno nijedna od pomenutih ulica nema izgrađen trotoar, uključujući i ulicu Branislava Nušića (do skretanja prema Školi). Djeca se svakodnevno kreću duž saobraćajnica u kojima nisu fizički odvojeni od vozila, čime je njihova sigurnost direktno ugrožena.

Jedini konkretan prijedlog Općine Novi Grad, koji je do sada predstavljen, odnosi se na krak ulice Ramiza Salčina s istočne strane škole – gdje je 2022. godine otvoren prilaz školskom dvorištu. Prema tom prijedlogu, planirana je izgradnja trotoara u dužini od 2/3 ulice, uz uvođenje zabrane saobraćaja za motorna vozila, osim za stanare. Iako ovo rješenje ne pokriva sve pravce kretanja, trenutno predstavlja

jedinu predloženu opciju koja bi barem djelimično doprinijela sigurnijem kretanju učenika. Nažalost, do danas nije došlo do realizacije tog prijedloga, niti su ponuđene druge alternative. Potrebno je saznati trenutni status ovog prijedloga.

Kao dodatnu, možda i bržu mjeru, predlažemo da se svi kraci ulice Ramiza Salčina (iz pravca Saraj Polja) pretvore u ulice sa zabranom saobraćaja, osim za stanare. Ova intervencija ne bi zahtijevala veće građevinske zahvate, a značajno bi doprinijela povećanju sigurnosti učenika u svakodnevnom kretanju prema školi. Ovakvo rješenje može biti privremeno ili trajno, ali bi svakako predstavljalo važan korak ka bezbjednijem školskom okruženju.

Također podsjećamo da je još tokom 2022/2023. godine, na sjednicama Općinskog vijeća, bilo govora o mogućnosti pretvaranja ovih uskih ulica u jednosmjerne saobraćajnice, čime bi se dodatno povećala sigurnost i poboljšala protočnost saobraćaja u zoni škole.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a